



Simon Sultzerus natus est Bernæ Helvetiorum honestis parentibus anno 1508. In eo loco, præptore Rubello usus, prima literarum fundamēta feliciter iecit, atq; suos æquales ingenio & diligentia facillè superauit. postea sese Lucernam contulit, atq; sub Osualdo Myconio, qui celebrem ibi scholam instituerat, in linguarum & artium cognitione plurimum profecit. Inde Basileam peruenit, atq; in Mathematicis Glareanum domesticum præceptorem habuit. Cum hoc modo artium et linguarum studia medio crite percepisset, animum quoq; ad Theologiæ studium conuertit, atq; in eo Basileæ Oecolampadium, & Paulum Phrygionem, Argentinæ uerò

Bucerum, Capitonem, & Hedionem sacram scripturam explicantes, sedulò audiuit. Itaq; factum ut Basileæ 1531 artium Magister creatus fuerit. Accedebat huic eruditioni uitæ integritas, & docendi fidelitas. Itaq; post Academiae restaurationem Collegij œconomia & administratio ei cōmendata fuit. Quo quidem tempore ipse ex honesta familia Merianorum Basileæ uxorem duxit, & patrem familias agere cœpit. Id cum Bernensis respublica intellexisset, eum ad se uocauit, atq; bonas artes in sua urbe profiteri iussit. Vnde Simon Bernam accedens, ad tempus aliquot linguarum & artium præcepta tradidit, & multorum discipulorum concursu omnibus bonis innotescere cœpit. Verùm cum ipse ad maiora natus esset, & summo desiderio sacrarum literarum teneretur, post aliquot annos Basileam rediit, atq; Monasterium in Hebraicis, Grynæum uerò in Theologicis docentes audire exoptauit. Tum autem de cætate iuuentutis (quæ publicis sumptibus in monasterio Prædicatorum, amplissimi Magistratus Basiliensis iussu, tanquam Ecclesiæ & scholæ certissimè seminarium alebatur) institutio commissæ. Eam functionem is magna animi moderatione suscepit, & interea Theologico studio ea dexteritate incubuit, ut iam tum magnam omnibus de sese spem præbere uideretur. Cum autem eo tempore contentio illa de Cœna Domini in reformatis Ecclesijs, magno omnium piorum dolore, increbresceret, Sultzerus sub annum natiuitatis Domini 1538 Saxonicas Ecclesias inuisit, atq; cum ipso Luthero ea de re amicè contulit.